

DIPUSETSO TSA VAT BAKENG SA BAREKISI

Pusetso ya VAT ke eng?

Pusetso ya VAT ke bokaalo ba VAT bo lokelang ho leshwa ke SARS ho morekisi, moo

- paloyohle ya bokaalo ba lekgetho la ditjeo tsa hao le fetang paloyohle ya bokaalo ba lekgetho la boleng bo ekeditsweng la ka nako eo e itseng, kapa
- morekisi o lefile bokaalo ba VAT, ho feta bokaalo bo neng bo lokela ho leshwa ho SARS.

Ebe dipusetso tsa VAT bakeng sa barekisi di sebetsa jwang?

Morekisi o lokela ho sebetsa palo ya sekoloto sa hae sa VAT ho latela nako e behilweng ya lekgetho, ka ho tlosa lekgetho la ditjeo tsa hae (ke hore VAT e lefisitsweng ha ho fumanwa dithoto le ditshebeletso le e dumelletsweng e le kgulo) kgahlano le tsa lekgetho la boleng bo ekeditsweng (ke hore VAT e lefiswang hodima phepele ya dithoto le ditshebeletso ke morekisi). Phapang e ka nna ya [leshwa ho SARS](#) (sena se etsahala ha lekgetho la boleng bo ekeditsweng le feta la lekgetho la ditjeo tsa hao) kapa ha ho na le tseko ya pusetso ho tswa ho SARS (sena se etsahala ha lekgetho la ditjeo tsa hao le feta lekgetho la boleng bo ekeditsweng).

Ebang morekisi a tshwanelwa ke pusetso, SARS e lokela ho lefa pusetso eo matsatsing a kgwebo a 21 ka mora ho fumana kgutliso e tlatsitsweng ka nepo ya VAT e mabapi le pusetso eo. Ebang pusetso e sa leshwe matsatsing a 21 a kgwebo, SARS e tlameha ho lefa tswala, ho latela sekgahla se bihilweng, hodima bokaalo bo lokelang ho busetswa. Le ha ho le jwalo, nako ya matsatsi a kgwebo a 21 e ka fanyehwa mme ha ho le jwalo ho ka se be le tswala e leshwang. Mohlala, kgutliso e ka nna ya ba hore ha ya fella kapa e na le diphoso, mme ebang ho le jwalo taba ya matsatsi a 21 a kgwebo e tla fanyehwa ho fihlela morekisi a lokisa kgutliso.

SARS e ka nna ya boela a tshwara pusetso, mohlala moo morekisi a sa fanang ka dintlha tsa makgonthe tsa banka, kapa ebang a sa fana ka dikgutliso tsohle tsa hae tsa VAT, kapa a sa lefa makgetho a mang a tsamaiswang ke SARS.

Ebe morekisi a ka ngongoreha kapa a ipiletsa ebang SARS e sa tjhaele pusetso ya VAT monwana?

Morekisi a ka ngongoreha kapa a ipiletsa qetong ya SARS ya ho se tjhaele pusetso ya VAT monwana.

[Ngongoreho](#) kapa Boipiletsa bo ka kenngwa ka tsela ya eFiling kapa ka mokgwa wa elektronike lekaleng lefe kapa lefe la SARS. Boipiletsa bo tlameha ho kenngwa matsatsing a 30 a kgwebo ho toha ka letsatsi la hlahlobo ha boipiletsa bona bo ka kemngwa matsatsing a 30 ka mora sephetho sa ngongoreho.

Boipiletsong o bontshe hore na o lakatsa ho sebedisa metjha ya Tharollo e Nngwe ya Kganyetsano (ADR) kapa o ikgethela ho etsa boipiletsa ka ho latela metjha ya molao na.

Ebe ditseko tsa pusetso ya VAT tse ka hlahisang kotsi e hodimo di tsejwa jwang?

SARS e sebedisa metjha o seng leeme wa ho hlwaya dife kapa dife tse ka bakang kotsi tse ka amahanngwang le pusetso, tseo e leng hore di hloka ho ka fuputswa ho ya pele le ho oditwa. Barekisi ba ingodiseditseng eFiling ba ka sebedisa Refund Dashboard ho boha maemo a dipusetso tsa bona.

Barekisi ba kgethilweng hore ho ke ho be le netefatso e nngwe ya ditseko tsa bona tsa pusetso ba tla koqjwa ho nehelana ka ditokomane tsa tshetso.

Keletso ya Bohlokwa: Ka lebaka la dikgathatseho tse mabapi le boqhekanyetsi ba VAT, tshetso ya dintlha tsa banka tsa mokga wa boraro di tla dumellwa feela mehlaleng ena e mmedi, wa pele, moo morekisi e leng khampani ya matjhabeng wa bobedi, moo morekisi a welang tlasa se bitswang "sehlopha sa dikhampani" (ke hore morekisi ka mohlomong ke karolo ya khampani kapa ya khampani e laolang). Mehlaleng ena ka bobedi, morekisi o tlameha ho fana ka tumello e hlokehang ho tswa ho motshwari wa akhaonto (mohlala, qeto ya khampani) mme a netefatse hore SARS ha e angwe ke ditahlehelo tse ka bang teng tsa bokaalo bo leshwang akhaontong eo e kgethilweng ya banka. Morekisi o lokela ho tlatsa foromo ya VAT119i bakeng sa sena.

O hloka thuso?

- Sheba [VAT 404 Tataiso ya Barekisi](#) (Kgaolo ya 12 – Dithomello ka ntle ho naha le Dithomello ka hare ho naha)
- Sheba [Tsebisong ya Mmuso ya Nomoro R. 316 'Melawana ya Dithomellontle'](#)
- Letsetsa [SARS Contact Centre](#) ho 0800 00 7277
- Etela lekala la hao le haufi la [SARS](#).